

历代名臣传

历代名臣传

歷代循吏傳卷之三



漢

蘇章

蘇章字孺文扶風平陵人祖父純字桓公有高名性强切而持毀譽士友咸憚之至乃相謂曰見蘇桓公患其教責人不見又思之三輔號爲大人永平中封中陵鄉侯官至

南陽太守章少博學能屬文。安帝時舉賢良方正對策高第。爲議郎。數陳得失。其言甚直。出爲武原令。時歲饑。輒開倉廩活三千餘戶。順帝時遷冀州刺史。故人爲清河太守章行部。案其姦臧。乃請太守爲設酒餞。陳平生之好甚歡。太守喜曰。人皆有一天。我獨有二天。章曰。今夕蘇孺文與故人飲者。私恩也。明日冀州刺史案事者。公法也。遂舉正其罪。州境知章無私。望風畏肅。調爲并州刺史。以摧折權豪忤旨。坐免。隱歸鄉里。不交當世。後徵爲河南尹。不就。時天下日敝。論者舉章有幹國才。朝廷不能復用。卒於家。

論曰。內舉不避親。奚所以見稱也。進賢如是。紂惡亦然。
況故人乎。然意當時清河貪汙之迹。必不容姑貸。故章
以公義案之。若有藉此立名之心。是鬼神之所惡也。罪
又甚于徇庇矣。

入書于命或矣

...

...

...

羊續

羊續字興祖太山平陽人其先七世爲二千石卿校續初
拜郎中去官後辟大將軍竇武府及武敗坐黨事禁錮十
餘年黨禁解復辟太尉府四遷爲廬江太守及揚州黃巾
賊攻舒焚燒城郭續發縣中男子二十以上皆持兵勒陳
其小弱者負水灌火集數萬人并勢力戰大破之郡界平
後安風賊戴風等作亂復擊破之斬首三千餘級生獲渠
帥其餘黨輩原爲平民賦與佃器使就農業中平三年江
夏兵趙慈反殺南陽太守秦頡攻沒六縣拜續爲南陽太

守當入郡界。羸服間行。侍童子一人。觀歷縣邑。採問風謠。然後乃進。其令長貪潔吏民良猾。悉逆知其狀。郡內驚竦。莫不震懾。乃發兵與荊州刺史王敏共擊。慈斬之。獲首五千餘級。屬縣餘賊。並詣續降。續復上言。宥其枝附。賊既清平。乃班宣政令。候民病利。百姓歡服。時權豪之家。多尚奢麗。續深疾之。常敝衣薄食。車馬羸敗。府丞嘗獻生魚。續受而懸於庭。丞後又進之。續乃出前所懸者。以杜其意。其妻與子祕往造續。續閉門不內。其妻惟將祕行。其資藏僅有布衾。敝裯鹽麥數斛而已。顧敕祕曰。吾自奉若此。何以資

爾母乎。使與母俱歸六年。靈帝欲以爲太尉。時拜三公者。皆輸東園禮錢千萬。令中使督之名爲左騶。左騶所至。輒迎致禮敬厚。加贈賂。續獨坐之單席。舉緼袍示之曰。臣之所資唯斯而已。左騶白之。帝不悅。以此不登公位。而徵爲太常。未及行。會病卒。時年四十八。遺言薄斂。不受賵遺。舊典二千石卒官。賻百萬。府丞焦儉遵續先意。一無所受。詔書褒美。敕太山太守以府賻錢賜續家云。

論曰。續之清貧絕世。守原憲之節。以終其身。皜皜乎不可尚已。至於數平劇賊。率皆厚其枝附。仁以濟勇。用成

厥功豈特民牧之良法拆亦軍政之善經也夫

陳寔

陳寔字仲弓。潁川許人。出於單微。自兒童時。雖在戲弄。已為等輩所歸。常作縣吏及都亭刺佐。有志好學。坐立讀誦。縣令鄧邵試與語。奇之。聽受業太學。後令復召為吏。乃避隱於陽城山中。時有殺人者。揚吏意疑為寔。縣遂逮繫。考掠無實。而後得出。及寔為督郵。反囑許令禮召。揚吏聞者。咸歎服之。家貧。復為郡西門亭長。其時功曹鍾皓為司徒府所辟。太守問誰可代者。皓曰。明府欲必得其人。西門亭長陳寔可。寔聞之曰。鍾君似不察人。不知何獨識我。由是

寔代皓爲功曹。中常侍侯覽托太守高倫用吏。倫教署爲文學掾。寔懷教請見。言曰：「此人不宜用。而侯常侍不可違。」寔乞從外署。不足以塵明德。倫從之。於是鄉論怪其非舉。寔終無所言。及倫徵爲尚書。郡中士大夫送至輪氏。傳舍。倫乃言其故。且曰：「此咎由故人畏憚強禦。」陳君可謂善則稱君。過則稱己者也。聞者方歎息。天下由此服其德。司空黃瓊辟之。選理劇。補聞喜。長旬月。以期喪去官。復再遷除太正。長脩德。清靜百姓以安。鄒縣人戶歸附者。寔輒訓導。譬解。遣還。故縣本司官行部。吏慮有訟者。白欲禁之。寔曰：

訟以求直禁之理將何申其勿有所拘司官聞而太息曰
陳君所言若是豈有怨於人乎亦竟無訟者以沛相賦斂
違法解印綬去吏民追思之先是荀淑韓韶及鍾皓皆潁
川人也淑字季和有高行善知人嘗爲當塗長韶字仲黃
爲羸長賊聞其賢戒不入境鄰縣民流入界韶開倉賑稟
所贍萬餘戶主者爭之韶曰長活溝壑之人以此伏罪合
笑入地矣皓字季明旣辟司徒府頃之自劾去後連九磔
又徵爲廷尉正博士林慮長皆不就諸儒頌之曰林慮懿
德非禮不處悅此詩書宏琴樂古五就州招九應台輔遂

巡王命卒歲容與三人者及寔皆以名德爲當時所尊號
爲潁川四長及黨錮禍起諸人多逃避寔曰吾不就獄衆
無所恃遂請囚遇赦得出靈帝初大將軍竇武辟爲掾屬
時中常侍張讓權傾天下讓父死歸葬潁川一郡畢至而
名士無往者讓甚恥之惟寔獨弔焉及後復誅黨人讓感
寔故多所全宥寔在鄉間平心率物有爭訟輒求判正曉
譬曲直退無怨者至乃歎曰寔爲刑罰所加不爲陳君所
短有盜夜入寔室止梁上寔陰見之乃起自整拂呼子孫
訓之曰夫人不可不自勉不善之人未必本惡習以性成

遂至於此。梁上君子者是矣。盜大驚。自投於地。稽顙歸罪。寔徐譬之曰。視君狀貌。不似惡人。宜深尅己反善。然此當由貧困。令遺絹二匹。自是一縣無復盜竊。太尉楊賜。司徒陳耽。每拜公卿。常歎寔大位未登。媿於先之。及黨禁解。大將軍何進。司徒袁隗。欲表寔以不次之位。遣人勸寔。寔謝曰。寔久絕人事。飾巾待終而已。遂不起。中平四年卒。年八十四。海內赴者三萬餘人。制衰麻者以百數。共刊石立碑。謚爲文範先生。有六子。紀謚最賢。紀字元方。謚字季方。齊德同行。父子並著高名。時號三君。每宰府辟名。常同時旌。

命。羔鴈成羣。當世靡不榮之。紀仕至大鴻臚。紀子羣仕魏。至司空。然天下以爲公慚卿。卿慚長云。

後漢書論曰。漢自中世以下。閹豎擅恣。故俗遂以遁身矯潔。放言爲高。士有不談此者。則芸夫牧豎已叫呼之矣。故時政彌惛。而其風遂往。惟陳先生進退之節。必可度也。據於德。故物不犯。安於仁。故不離羣。行成乎身。而道訓天下。故凶邪不能以權奪。王公不能以貴驕。所以聲教廢於上。而風俗清乎下也。

論曰。四長之名。豔於當時。傳於奕代。自後之爲循吏者。

莫敢竝焉至迹其行事則以慈良之氣薰乎頽俗未嘗
孑孑於爲民興利而除害也夫趙張之治具煩於卓魯
而卓魯爲優者以道濟法也況於四長之德成而上者
乎故知聲色之大爲化民之末夫子之言媿矣珍產明

魏翠羽犀象瑇瑁異香美木之屬莫不自山前後刺史率
無清行上承權貴下積私賂賦斂過重百姓空單故卒改